

續修隰縣志

卷二

BM 160.207
139
新三二

學校

廟制 舊志備載

乾隆二十八年知州博文學正杜獻文重修學宮

移鑿泮池於櫺星門內改建鄉賢名宦等祠一循

古制 咸豐元年知州王承泗重修正殿光緒十七年知州王智和學正張蘭兆重修兩廡諸祠

學額

廩膳生三十名

增廣生三十名

附生十一名

續修隰州志

卷之二

學校

武生十二名

學田

乾隆二十九年知州博文學正杜獻文吏目陸峙始清查學田地段數日坐落村莊豎碑於西

廡壁之南

知州博文學田碑記

隰郡志載學田荒地七頃七十畝並未開明地段

數目坐落村莊余於乾隆癸未重修學宮工竣議

及廟夫口食因確查學田幸學博杜贊政陸並任

事諸生齊心協力逐段清丈始得地段數日坐落

村莊但租課因時上下而奏銷額有定數地畝招



募開墾而積久不無遺失至租銷出入侵吞挪移
尤為學校所共憤用玳片石墜之學壁俾來學有
所稽考時為振理庶諸事不至有其名而無其實
是為記

學田地段數目坐落村莊

騫家莊共地貳百貳拾伍畝

高崖底四段十三畝
康家坪一段四畝棗

坪底一段五畝唐忽押裏二段八畝西押裏地
二段十一畝馮子耳裏一段五畝糞場子一段
四畝下原餘二段十七畝南場上三段十九畝
柳樹馮一段六畝鴉兒馮五段二十九畝水道
嶺一段十二畝風子坡三段十畝羊家場一條
四畝劉家塋二段十一畝桐樹條一段六畝東

續修臨州志

卷之二

學校

二

家坡二段九畝廬家原一段四畝婆婆前後溝
十九畝陳家嶺一條四畝圪洞頭一段四畝下
原道一段四畝馮家原一段十畝紅圪塔上一
段十畝赤窟兒溝一段二畝

德胡原地叁百貳拾畝

楸樹壑三段二十六畝順
道地一段七畝村前道上

平地十二畝公道地一段十八畝馬羊角二段
二十五畝窩上邊五畝圪洞裏八畝河坡圪塔
上三段二十三畝柳林渠十四畝東坪地十四
畝磚窰塋上九畝老成墓下四畝肖家原二段
十五畝杏樹原三段二十二畝小園子六畝足
角裏一段十九畝廟前地一段六畝白桃兒五
畝成家坡三段十七畝劉家圪塔二十五畝龍
骨嶺一段十八畝蘿葡萄兒裏五畝道南四二畝
墓押裏

一畝

扶兒原地壹百叁拾畝

茄子坪地十八畝前後河
地十六畝傅家坡地十五

畝有脚下担水脚五畝東棗園上下六畝神殿
渠二畝羅免圪塔塿八畝斗塿裏八畝杜梨圪
塿三畝駱駝脚十畝多坪裏二畝瓦窰坡二段
十三畝猪兜窩上下十畝碗閣條六畝

野雞窩對面官地圪嶺條角南唐戶村三段二二畝

奎星樓地一段學宮西邊空地上下相連一段三畝照牆後

城根底空地一條 書院東邊空地一條

書籍

聖諭廣訓一本學政全書一本康熙字典六套四十本今失朱子全

書一部二本性理精義一部五本周義折中一部一本

書經傳說彙纂一部十四本春秋傳說彙纂一部四本

續修隰州志 卷之二 學校

十三經

周易尚書一套十本毛詩二套十六本周禮一套十四本儀禮一套

一十本禮記二套二十本春秋二套十二本公羊傳一套八本穀梁

傳爾雅孝經一套十一本論語孟子一套七本

二十二史

史記二套二十本前漢書二套十四本後漢書二套十本三國

志四套三十二本魏書二套十四本晉書四套十八本宋書二套十四本

南齊書一套十本北齊書一套八本梁書一套八本陳書一套四本隋

書二套二十本南史二套十本北史二套三十本王任短

唐書十四套五代史八套後周書八套宋史十套

金史二套遼史一套元史五套明史一百一

御纂日講四書解義一部一十二本

欽定四書文選一部一十四本禮部則例三十本

欽定文廟樂譜一本

御製補笙詩二本鄉飲圖一軸

禮器

銅爵二十個錫簋四十個木香几座一十個紗燈四對鐵燈

盞二十個木燈柱一十對

續修隰州志 卷之二 學校 四

樂器 無

知州王祖庚重修學宮序

原夫學校之設所以光昭聖道扶植剛常亘萬古而不朽者也

先師孔子德邁帝王學傳洙泗歷代以來尊崇弗替我世宗憲皇帝重道崇儒特沛追封之典晉

先師五代王爵以隆秩祀今

天子繼緒修明先學臣之請

勅令直省郡縣學宮 先賢牌位均依太學成書釐定

次第至若忠臣義士孝子節婦皆有關於世道人心所以累朝旌揚崇祀雖窮鄉僻壤靡不仰沐

榮光余奉

命蒞隰見

崇聖祠兩廡先賢牌位及忠義祠節孝祠俱各牆宇剝落神牌殘缺因循苟同目擊心傷殊非我

皇上表章聖學扶植各教之至意爰集隰之紳士共商修葺之舉諸人鑒余不敢獨成莫不踴躍樂從於是書數語於簡端以當老頭陀持鉢化緣共成勝

續修隰州志

卷之二

學校

五

果將見廟貌聿新 神靈妥侑隰雖偏隅而興廉立懦之風可以稍振矣是爲序時乾隆七年仲秋知州博文重修廟學碑記

隰雖偏隅爲堯都舊壤執中精一之傳自堯而舜而禹湯文武接承於

至聖先師在州人士不啻家學之有淵源宜乎代生偉人煥彩宮牆廟貌常新有人傑地靈之盛矣乃余於癸酉春奉

命來守是邦接見博士弟子非不謹且厚也然而芹香

一掇卽絕意功名釋奠之時瞻仰學宮制度非不備也而大成一殿頽圯已甚兩廡滲漏先賢木主半被塵封且所謂黌池者乃其沼於櫺星門外竟爲溢澇積水之區因思數十年以來科甲罕出名臣碩彥不數數概見者職是故歟不禁惻然曰此非司鐸之咎乃守土者之責也適因公務紛繁皇華靡監有志焉而未逮幸邇年來時和年豐爰於癸未春進郡之紳士於庭而告之曰余與諸君皆學校中人也飲水而不忘源登枝而不捐本今者

瞻剝落之形睹殘缺之勢亟欲倡捐清俸鼎新廟貌都人士其有同志歟諸紳士咸曰唯唯於是相率勸募者若而人鳩工庀材者若而人經營圖度者若而人雲蒸雷動百廢俱興有因其舊而整葺者如正殿兩廡以及櫺星戟門崇聖祠尊經閣明倫堂皆丹刻一新有更其舊而鼎新者如移鑿泮池改建鄉賢名宦等祠一循古制計自春徂冬不踰年而工竣嗟乎有土者往往傳舍其官而遂等學宮於傳舍以致先時不韋諫宇滋頽良可歎也

茲喜諸紳士敬仰

先師之心復能諒余之志踴躍從事廟貌重新輪焉奐焉誠盛事哉余尤願諸生之肄業其中者尊聞行知明體達用則百官宗廟梯級可升行遠登高進往在我不特可以仰副

聖天子崇儒重道之至意而所謂執中精一之傳將不墜其緒焉是爲記時乾隆二十八年十月立

重修文廟碑記

文廟之重於天下久矣隰州何獨不然自創建以

來修而復圯圯而復修者不知凡幾要之其由修而圯也代遠年湮風雨剝蝕時之所爲非人之所致也其由圯而修也舊者易而新廢者振而起此則人之所爲而不可諉之時數者也厯考碑誌所載自乾隆二十八年重修之後迄今又六十餘載其中最殘破者莫甚於明倫堂東西齋房而大殿兩廡反前院諸祠亦漸不能支誰司其責者顧坐視不問乎於是集學中諸君子商所以新之而諸君子皆欣然樂爲焉或出財於已或募化於外乙

酉之歲鳩工庀材明倫堂二齋房已復其舊因資
不敷中隔一年迨丁亥戊子大殿兩廡及前院諸
祠修殘補缺亦煥然重新矣爰誌其歲月俾後有
所考焉至於文廟之所以設與吾黨之列宮牆而
思不愧仰先型而務自修者前人碑誌道之已詳
茲不復贅時道光九年八月立

道光三十年重修大成殿講堂學正宅補葺兩廡
及諸祠未暨碑

上川書院新設考場碑記

張鵬程

續修隰州志

卷之二

學校

八

二韓 博公以蒲洲名進士奉

簡命來守是邦下車之始卽崇獎師儒廣勵學校時臨

紫川書院與諸生相揖讓顧瞻室宇湫隘慨然嘆

曰文翁治蜀廣營學舍唐宗造士增廣生徒今規

制不備何以集多士廣雅化耶後試童子於郡治

一州三邑之人駢集廳事不能容竟有抽筵撤席

暴於日下者 公因念書院固多曠地若增建兩

序移試其中則郡邑俊髦咸得托廬而處矣謀之

州人咨之三邑無不協從遂重工授事不爽其數

工成則廊廡翼然南北各五楹軒豁敞朗遂延密
栗公顧焉而喜曰得此以之育士則經義治事
足備兩齋以之校士則字中蜩斗競落文河筆下
蛟龍爭翻紫瀾矣郡邑人士樂公之以書院爲試
院費約而澤廣因請勒其事於石至堂與戶牖塗
暨丹雘亦連索得書時乾隆二十二年仲秋知州
博文捐俸銀六十兩

同治五年六年知州吳宗瀚鈕福熙相繼修理書
院考棚

續修隰州志 卷之二 學校 九

紫川書院碑記 李兆奎

國家造士書院與學校相表裏而視學校爲尤亟學
校非射列黌宮者不得與書院別無少長無貴賤
無遠近皆得入而習焉勸學培風旬講月課胥於
是乎在不時加振興而欲崇起教化廣勵人才其
道無由隰之司牧 多名進士大抵皆吏道無師
道書院之設創建於康熙四十七年嘉善 錢公
修志故載諸志而弗暨之碑取名紫川以西流之
水主文主貴也中祀 卜子明文教所自也堂曰

篤志師之也城隅 奎樓文屋也蓋鬱鬱乎人文
之淵藪矣後長雅 博公增建考棚十楹吳雅

穆公始置膏火田四百餘畝迄乾隆五十二年高
陽 韓公蒞斯土經年考課不憚勤勞尋集州人
士大捐膏火事未歲終養止捐入錢玖百千生息
以資課費延郡士之品學兼優者主其席是名爲
書院實義學也嗣是廿年之間舊章率由不加興
廢泊又十餘年一切廢弛四顧傾圮其課費貲本
亦漸銷鏹爲柴百仟矣於是襄城 張公者道光

續修隰州志

卷之二

學校

十

九年來守是邦念斯文就湮前功盡棄首舉紳士
劉會清董其事而重修之而書院遂煥然一新繼
又增入錢柒百五十千講堂前枯柏易錢五十千
合前湊足壹千伍百千之數以厚儲其膏火方期
大用陶成轉移風氣顧有志而未之逮乃若自是
以遷崇文重道不乏名進士也延師訓課非不加
勤也即人之才質亦不相上下也而其中出類拔
萃者殊屬寥寥豈果限於其地耶抑振興若斯之
難也昔昌黎之刺潮州歐陽之守滁州雖淮海僻

壤一經名人之陶鑄而風俗於焉丕變隰地處萬
山中有明以來尚有登甲榜者矣即 錢公經始
後領鄉薦者亦三人矣 韓公繼起時中式者亦
二人矣至 張公重新功將竣夜見奎光起而朗
耀而余倖獲秋榜報焉此可見爲其事者之未嘗
無其功而有志者事竟成也今甯河 王州尊蒞
任以來時以培養人才爲誥誥朔望考課必親詣
書院與諸生揖讓其間又捐廉俸以獎勵之諸生
誠勤勤弗懈爭自濯磨日新月異以造於精深將
續修隰州志

卷之二

學校

十一

見科甲蟬聯功名顯達且高出我輩上也乃不愧
諸公珍重書院之至意哉書院舊無碑記茲紳士
等諸爲文以紀顛末余謬膺訓課不獲辭爰據實
而爲之敘且以冀後之觀感而興起者時道光二
十八年四月立

知州謝宜發義學碑文

隰州古西河地 先賢卜子曾設教於此固宜彬
彬多文學彥也顧予觀隰之士子強半甫列青矜
即與販豎輩逐什一之利其間篤志勤修者落落

無幾豈習俗移人歟抑未有激勵而獎勸之者歟
隰之曇索里馮家山一州之名勝也民人馮學文
等於其村中公立義學祈文於予並爲予述其顛
末謂自伊先人捐地與窰爲義學百餘年矣此地
前對松峯嵐光聳翠下臨澤水碧影涵空洵堪爲
藏修息游之所迨後村衆緣事涉訟鬻其地與窰
而瓜分之經前任 洪公 韓公諭令復舊咸踴
躍樂從原置主馮承善馮承德馮元孝等將地窰
仍歸義學不索原值且各捐金以助而前之辦價

瓜分 亦咸出其情爲修葺費馮卓馮學章經理
其事工已告竣願勒石以垂永久予聞之曰嘻以
久廢之義舉而一經勸導遂鼓舞以共歲厥事此
可見秉彝好德之出於性生而維魯之民之盡可
與爲善矣一鄉之人心所同即闔境之人心所同
何地而不可設之教亦何人而不可率之學激厲
而獎勸豈難爲力哉古者家有塾黨有序所以豫
養之於小學也而由鄉而升之學升之司馬即鄉
學中野處不曠者也行見比戶絃歌人文蔚起子

矜之刺不興而先賢遺澤得相沿於不替當不獨爲馬港一村之人幸而蒞斯土者亦與有榮焉故不揣固陋而爲之記時乾隆五十五年八月立道光二十九年廢至今尚未振興

重修書院考棚記

王嘉會

隰郡向無貢院自乾隆年間博公始新建考棚十楹於書院二門之左右蓋以書院兼貢院也其款則籌自一州三縣舊碑昭然茲不復贅惟歷年已久風飄雨零傾頽特甚壬辰夏

張公署理州事朔望考課生童一人書院爲之太息爰集經理書院紳士商所以重修之僉曰功程頗鉅向由合屬所捐請仍之張公遂致函三縣莫不踴躍樂從但俱係瘠區心有餘而力不足不得已改十楹爲六楹全公又捐銀若干兩大堂與後院亦爲之補修焉工訖衆欲備稽考余不敏忝居講席爰據實而爲之記

光緒二十年五月立

祠祀

名宦祠

在文廟戟門東

北齊

房護

唐

李晟

李瑒

後漢

侯仁矩

續修臨州志

卷之二

祠祀

五

後周

李謙溥

金

楊貞

元

李曼

韓昇

時公權

王天佑

明

董瑜

儲俊

國朝

王添貴

俱見舊志在續

鄉賢祠

在文廟戟門西

唐

曹氏三侯

宋

續修隰州志

卷之二

祠祀

十五

趙友

元

賀賁

賀勝

劉佐

明

王朝

蘇四國

史光前

史光代

李養榮

賈汝棟

史光翰

李茂梅

李愈華

李愈秀

呂大成

王家棟

續修隰州志

卷之二

祠祀

十六

宋希唐

宋永隆

宋承綬

劉餘芳

楊潤

賀良爵

史登義

王復榮

宋良儒

鄧鳳

任永正

國朝

李呈祥

李允

劉漢昇

劉餘澤

劉爾裕

劉代興

續修臨州志

卷之二

祠祀

十七

劉復興

牛友月

李呈蘭

李呈桂

劉清雅

劉清秀

李應庚

蘇師轍

宋希湯

王承帝

史克勤

劉大智

牛星

宋斗星

史曾

劉桐

呂黃鐘

忠義祠

續修隰州志

卷之二

六

唐

曹氏三侯

宋

周惠

元

賀賁

明

王復榮

史登善

鄧鳳

任永正

賀有造

韓汝忠

史光前

史光代

李養榮

李愈秀

呂大成

續修陽州志

卷之二

祠祀

十九

王家棟

宋希唐

宋永隆

史光翰

賀良爵

宋志禎

郭育才

宋良儒

國朝

李呈祥

李允

劉代興

劉復興

牛友月

李呈蘭

李呈桂

宋丰星

史克勤

續修陽州志

卷之二

二十

史簡

劉清雅

劉清秀

許承允

劉子瑜

李雲楚

喬雲鳳

張文典

李應庚

王永帝

牛 星

節孝祠

在文廟西偏雍正五年知州吳元鉞新修正房三間墻垣四圍大門一座

先農壇

在北門外雍正六年知州吳元鉞新修正殿三間東西配房二間大門一座四圍墻垣藉

田四畝
九分

社稷壇

在城北郊二里許有古柏樹二株雍正十年知州吳元鉞修理按舊基寬長各二丈五尺

高二尺一寸四邊磚砌面鋪方磚正中磚臺高二尺五寸設州社州稷石主二位高二尺四寸寬

六寸座高五寸寬九寸五分字畫鐫刻石青填寫周圍墻垣一道大門一座

風雲雷雨壇

在城南郊三里許雍正十年知州吳元鉞修理設風雲雷雨山川城隍石主

續修隰州志

卷之二

祠祀

三

三位寬長制度俱與社稷壇同

文昌祠

重修文昌祠記

安國寺西

李時賢

隰州文昌閣肇自前明萬厯年間迄今三百載塗

茨不繼丹雘不施風雨剝蝕墮敗日甚矣夫文昌

位冠斗星在天則為 府乃文章之司命故祀與

為綦隆若非廟貌聿新何以妥神靈蒸髦士乎癸

卯江都

洪公知我州事謁廟時見殿宇摧殘楹

楹傾圮慨然有修舉之志爰捐俸首倡其事並謀

之史君振緒等勸諸同志解囊共濟無如頽廢既
久工費不支以故時久未舉迨丁未 洪公擢守
膠西 韓公莅任都人士請命於公公謂此一方
人文所係曷可不底厥成遂命鳩工庀材刻日興
作工未及半而 韓公又卸事矣庚戌之春 謝
公來守是邦於斯文尤加留意復令交相勸勉遂
蕙厥事而董事諸人亦踴躍用命不數月間悉修
補而增蓋之原建正殿三楹東增建 奎樓一座
西官廳三楹樂亭一座較舊爲加倍而噫千鈞之

鼎非一手所能舉萬石之弩非一臂所能張此舉
也越八年之久歷經三公之督率獎勵始克有成
其爲力豈易易哉誠使文命覃敷奎文朗照後之
人文蔚起科甲蟬聯咸頌我諸公之惠愛於不衰
並使思諸公者兼不忘董事諸人之勤勞則此舉
將來垂不朽矣工起於巳酉年戊辰月竣於庚戌
年癸酉月首事及輸財姓名皆書於石所以爲將
來者勸也乾隆五十五年碑

道光元年重修
咸豐十年重修

崇聖祠 道光十八年新建

重修北門文昌樓記

李時賢

隰城北門樓不知創始何代想設郡以來應已有之可勿深考惟樓中祀以

文昌帝君之神則從前明萬厯年間始蓋所以爲佑啟人文計而非漫無所取爾也第自我

朝康熙四十八年畧加重修後距今八十餘載未經補葺故柔楸之頽傾非一丹雘之剝落已多甚且城門衙口亦以年深日久裂開一隙寬丈餘長不下丈許窺之深黑莫知所底每值大雨時行水輒

乘間直瀉漏若甕敝並斯樓亦幾幾乎成圯隍之形夫重門以待暴客繫古所重而文昌位列斗宿尤一方文運之所關皆不可聽其敗壞而不爲之所也維時山左謝公實守是邦陟而觀之慨然有修舉之志爰請紳士李延祐等董其事而董事諸君亦復不憚勤勞分道募化刻日興工先補門衙之罅漏次治樓閣之傾圯加以瓦墁飾以丹漆繼文爲之金碧聖像旁砌石路雖云由舊頓覺氣象聿新計其經費足有三百餘金之數噫此

豈一手一足之烈哉落成之後將刻珉求記於余
余觀感 謝公之克倡厥議且喜董事諸君之速
厥厥事喟然曰斯工之成有三善焉完固城門以
衛民也營繕樓閣以壯觀也處事 帝君以爲斯
文主翼日者髦士拔興科甲蟬聯未必非斯舉之
效也况攢花作錦集腋成裘凡此解囊輸財者亦
與有力焉皆不可以不記抑以望後之君子有感
於斯之時加補苴無合荒蕪則斯樓豈不千古常
新也嘉慶二年碑

續修隰州志

卷之二

祠祀

二四

重修北門文昌樓記

署隰州 郭延慶
學正

自古文運之隆替司之者神力成之者人心曷爲
乎神力而人心成之也人心如五穀之種其春生
夏長發榮而滋長者天之氣也地之脈也神之力
也而原其所自非種不生布之種者則人之心也
心所不屬神亦無所憑依以致其力若夫規文運
之所生而趨向之培植之也 奉之心有專注凝精
爲物結念生緣結緣生法法成而果圓果圓而實
周轉轉相因遞華遞茂衆生驚怛非神力不至於

此烏知人心之出之者起於微著於顯有以持氣
迎之權而不可以倖致耶考周禮春官有祀司命
之文蓋 文昌帝君之祀非今斯今國有常典以
其爲文運之權衡故文學之上亦得以私祭焉隰
州之城北門昔人創構 文昌樓於其巔魏時
北極宮前適符紫微垣斗魁戴筐之象郡人奉祀
無間春秋而城中勝蹟於斯爲最自嘉慶二年曾
經修整迄今幾七十年風雨剝蝕榱桷就傾都人
士倡募重修田子春鳩工庀材踴躍興築逾年載

而羣工蕩事規模宏壯金碧輝煌雲蔚霞蒸望之
神舉又添造樓東外門並砌石陵磴道一切經費
統計六百餘金落成之日咸樂其告竣之速而以
爲殆有神助也嗚呼人心之所向可知矣由是家
絃誦戶詩書文壇蒸蒸其日上而神力與人心固
有相緣而勿替者抑吾聞之 帝君以陰陽化世
吾願居是城者更修陰陽以迓神庥則斯舉之所
裨益尤爲無窮也乙丑之歲將議勒石因索余言
而爲之記同治四年碑

知州吳元鎮重修城隍廟記

天生蒸民明以寄之司牧幽以寄之神明無二理也然其功實分先後焉水旱災祲補救於事後者官爲政而欲化災爲祥默奪於機先者斷由神力是神之功德於民衡諸司牧爲較切者非

城隍其說與歸夫閭閻村黨之間立廟粧神輿飛輪負土人猶敬奉不遑乃城隍爲郡邑生靈之主豈在其像貌塵灰臺榭傾欹殿廡摧殘也耶粵稽

吾隰郡

城隍靈祐侯之祠宇前明成化時率遭

續修隰州志

卷之二

祠祀

二六

火燬守土董公經營重建於前紳士李呈藻與州牧王公相繼倡修於後綺歛盛哉雖然日多歷年所矣奉祀雖無所缺像貌灰塵臺榭傾欹殿廡摧殘非所以崇德報功也余忝蒞茲土以來每欲以修以工費浩繁力薄無所濟未果也耿耿者久之乃於雍正辛亥歲紳衿耆老輩力任糾首議舉與修余卽捐貲爲倡郡人之好義急公者遂踵相至於是以掄材鳩工以構以堂旣丹旣葺明年五月用觀厥成焉仰瞻廊殿憑眺歌臺環顧廡列東西牌

樓享亭旗匾諸處莫不輝煌燦爛其規模迥非曩
昔而 神威赫濯更令人肅然而生寅畏也過此
以往風雨調順年豐人壽端在是歟端在是歟諸
父老以修葺落成請勒石以誌不忘余不敏卽錄
其事而爲之記雍正十年碑

重修關帝廟鼎建

崇聖祠並重修火帝廟記

張鵬程

國與天地必有與立存乎其人存乎其人心存
乎其人心之義焉耳自有生民以來秉丹心扶

正統明大義孰有知我西晉

夫子者哉夫子炎漢純臣也自漢距今幾何世矣而
耿光不磨神明如在自夫子以至於庶人莫不尊
崇而欽服之者何哉蓋 夫子之所以爲夫子者
不在智名勇功之顯而在綱常名教之微魯論曰
殷有三仁原其心也歲寒然後知松柏之後彫嘉
其節也以夫子之丹心完夫子之亮節植綱常扶
名教凜凜大義炳如中天日午惟其義精仁熟而
與天爲體故夫子可以稱帝而歷代褒封不疑其

僭惟其心盡仁至而善則歸親故 三代可以稱
公而

昭代貶封不嫌其侈世之景仰者以夫子之忠義印自
心之忠義而感發而興起焉則萬世之綱常不墜
名教常新而天地之心邦家之基允於此立焉夫
子俎豆千秋也誰曰不宜隰之有廟建自康熙六
年 郡侯胡公寶創其始厥後補苴之功畧而不
紀至於 三代崇聖未起崇祀而於春秋殿設主
奉祀恩來因循殊非妥神之禮乾隆辛未 郡侯

宛平王公允專闢上谷李公之請集郡人議新夫
子廟建 崇聖祠忠義常在人心莫不懽忻踴躍
督工勸捐不憚艱辛經始於辛未之夏幾歷寒暑
而大工告竣丹堊未畢住持道正王德顯襄其事
於前而其徒梁正恩踵其事於後拮据以終前功
於時廟貌乃煥然一新矣斯舉也敬鬼神乃所以
勞民義也誠盛事也不可以不記丁丑暮春正恩
琢瑛石徵文於余余非能文者特據所見言於簡
端後之鑒者當亦信余言之不謬也又有郡東

火帝廟與是廟同時起工重修厥工先發董公諸君兩應勤勞再處士宋君史特捐

崇聖祠所坐地基暨城鄉鄰封好義樂輸者皆連索得書乾隆三十二年碑

昭忠祠

在城隍廟內西偏內祀

劉猛將軍

崔德寧

陣亡都司

王天德

牛復元

續修隰州志

卷之二

祠祀

二九

牛文禮

秦岳綬

張志厚

關金榮

楊和

楊貴

張名務

秦士俊

俱陣亡兵丁

外省客游湮沒未報殉難士民忠魂

山西省湮沒未報殉難士民忠魂

山西省湮沒未報殉難團丁忠魂

重修真武廟記

劉 塏

北門月城之

真武廟相傳未有州時所建院內古槐半株可證也
歷年以來漸就傾圮住持道人劉德昌重加修葺
勤力節用以身道俗正殿牌坊雖仍其舊而金碧
輝煌視昔更精兩廊山門四面墻垣俱合舊而謀
新之堅厚樸茂黝堊丹漆又似別開生面起於乙

酉之夏迄於戊戌之秋凡越歲而告竣焉夫德昌
讀老莊之書從方外之教以虛無淡泊為宗以因
循自然為用而勇於趨事急公尚義前葺八蜡廟
半載工完今修 真武廟洽歲見效謂非智慮明
敏操守堅固通方不滯好謀能成者歟 真武尊
神也威靈顯赫有感必通即欲稱道其美是猶褒
天地之大譽日月之明無所容其詞矣姑述其修
廟之大畧而鐫諸石康熙五十七年碑
重修真武廟並建太歲先醫廟記 王 道

隰郡

真武廟在北門月城內魏煥尊崇丹至奪日甚壯也
歲久漫漶風雨而就傾焉住持道官韓和光愀然
有興廢之舉且念比歲患疫欲建 太歲 先醫
廟於 真武廟之東偏詢謀僉同藉以募化鳩工
庀材或修或創不踰年而功成乃未勒石而和琬
亡矣有孫王正浩者乞余爲文以誌衆日神州遐
陬悉 真武所奠麗也葺而塗之固宜至 太歲
諸神捍災禦患亦郡邑之不可不祀者而隰從無

續修隰州志

卷之二

祠祀

三十一

其廟今雖頹於地未能宏敞然而郡人有所瞻拜
以妥以侑歲時無缺並不異於祀 真武也其錫
福烏有窮乎是爲記乾隆七年碑

嘉慶二十二年重修

咸豐七年重修

知州博文格神重農碑記

張鵬程

國以農爲本民以食爲天農事固粒食之原也隰
處萬山之中田在高原之上者十之八九專憑雨
澤灌溉乃得生長成熟龍子湫豐濟廟 龍神宋

大觀勅封順民侯代天行化澤潤羣黎有禱卽應
無感不通我 傅公莅任以來勤民而致力於神
祭告之典禱祀之誠難以詳言自昔四七月雨祭
原係額設我公以神之靈詳請上憲復加二八月
兩祭爲民所禱禮儀誠心無不備至十有餘年閭
郡士民得以含哺鼓腹熙熙安樂者皆神之恩實
公之賜也今一旦奉

命引見吾儕小民不能留公之駕不敢忘公之恩公
將華蓋一柄贈爲神物萬民感戴特立片石使公

續修隰州志

卷之二

祠祀

三三

之芳徽與龍湫長留萬古介我稷黍穀我士民也
是爲記 郡城南關廟龍王廟爲 順民侯行宮於
道光三十年復設七月十一日神會請八
管社村並各村庄迎神赴會

新建呂祖廟記

李玉相

從來修廟祀神善者好之然必神之聲靈有在而
後人之敬服始誠我隰郡向無

呂祖廟凡請樂求鸞者幾嘆無所拜禱焉不誠一州
之缺陷乎州吏目姚君慨然有創建之舉遂與州
紳士等商量詢謀僉同然擇地築基所費更多適

北門月城內有空窰三孔其地址之高峻清淨與
神靈之威爽森嚴若有相待而成者於是遂命道
人張本宮經理塑像彩畫窗櫺雖功費稍約亦百
有餘金功竣囑余爲文余不揣固陋因按實跡而
爲之記咸豐十一年碑

重修關帝諸神廟記

李兆豐

郡城北門外瓦窰坡村古有

關帝 龍王等廟地鍾川岳之靈路當繁要之衝洵

勝境也相傳建於有明重修於乾隆壬午歷嘉慶

甲子丁丑屢加改葺迄今又三十餘年矣爾來殿

宇傾圯墻垣坍塌而樂亭大門其廢壞爲尤甚竊

以關聖成仁取義天下莫不尊親龍王出雨興雲

農夫喜其潤澤若夫救苦難而伏邪魔應駟星而

興六畜者則觀音韋馱與馬牛王也至假優孟之

衣冠樂亭所以伸祈報嚴中樞之鎖鑰大門所以

慎關防前人之作備矣顧可聽其有初鮮終乎住

持禮福恐遲之又久而愈難勝任也爰集合村糾

首公議無不踴躍樂輸始也各解已囊繼而廣行

募化由是庀材鳩工次第整理於節稅之摧殘者
增補之於聖像之彫零者金碧之樂亭則跋翼矢
棘土積易以磚圍大門則畫棟雕樑規模增其式
廓自正殿諸祠以及法舍墻垣靡不煥然一新經
始於道光庚戌七月告成於咸豐辛亥季春約費
二百餘金而始竣厥工焉噫嘻慨離離於故宮曠
其顧瞻周道歌奕奕之新廟莫不頌美魯侯有爲
者亦若是誰謂古今人之不相及也耶今而後英
靈振頑懦之習民物躋康阜之休興仁興讓比戶

可封未必非斯舉之效也信乎鬼神之爲德其盛
矣乎所有督工糾首施財姓氏並勒於石以爲後
之視今者勸云咸豐元年碑

重建西關三義廟正殿記

李華棠

古之廟食百世而洋溢於海澨山陬者非恃乎聲
靈之赫濯也古今有大義焉植名教振綱常足以
維繫乎人心扶持夫世道故靈爽常存於萬古明
禋勿替於千秋隰之西關有三義廟創建於前明

嘉靖奉祀

昭烈帝 關帝 桓侯三義者合朋友昆弟君臣而各
造其極也廟至今凡四修一修於康熙二十年邵
公再修於道光十一年張公再修於同治三年吳
公十年五月正殿火悉爲餘燼十三年春傅公捐
貲倡修房班城鄉續募一千餘緡建磚窰三孔昭
堅固也窗廊三楹壯觀瞻也肖像則金碧輝煌拓
地則規模宏麗十二房書吏贊成之至冬月告竣
歷任王公李公謝公各捐清廉以助非其綱常名
教之義感人於不忘也哉斯廟也非徒肅瞻拜薦

續修隰州志

卷之二

祠祀

三五

馨香已也必思義在君臣忠孝何以純義在兄弟
友恭何以篤義在朋友信讓何以敦處則樹綱常
出則崇名教閭風興起薰德善良於以正人心維
世道蒸蒸日上蔚爲國華願與我隰人共勉之故
識其日月並施財姓氏以俟觀感而興起者各房
總理首事軍功六品秦巨川馮心智郭中魁候銓
典史馮鳳岐喬惠誠郭欽汾許呈芬從九李厚棠

寺觀

安國寺

嘉慶十九年重修
同治九年重修

天甯寺

新建天甯寺第五層閣記

張秀錦

竊聞三教比三光並照萬法與萬化同源悉開覺
路於金繩總屬迷津之寶筏粵稽摩耶證夢吞二
曜以呈祥梵闕縈霞浴九龍而產聖天生大覺宿
具靈根乃號瞿曇共驚神異現三十二種奇相應
百千萬類化身法力無邊射透九層鐵鼓神通不

測飛超百雉金城故躍馬凌雲太子宮中夜出結
廬擁雪彌虛山下潛修而西域佛道於是興焉迨
至金人證夢於明帝東漢求天然之書華言繙譯
於鳩摩北魏闡沙門之教一葦東渡廣面壁之心
傳五葉中敷衍拈花之妙悟由是通都大邑共築
招提卽至僻壤山陬亦興蕭剎此吾郡天甯寺所
由來也斯寺背依金山似藍田之斜開精舍面臨
紫水比廬峯之環繞飛泉複道駕雲中仙闕環樓
連十二迴廊穿樹杪天空貝闕數三千信爲薰習

口區先是莊嚴淨域第舊條參差四院本按四果之名而今擬高下五層更合五燈之數乃爲重加寶閣朱扉碧瓦流金迥出丹青飛棋雕楹八畫象至道之高臻無上如諸佛之義取止觀廼供千葉蓮花佛於其內蓋以會歸衆妙之尊源稱混混還如位置諸天之上想八非非譬之瓣瓣皆花生來一本以見頭頭是道觸處皆圓取妙義以證鹿院之傳悟真詮而解鶴林之說至是而象教之理精法密禪林之氣足神完矣且此方聳翠合郡蒙

休蓋以艮地爲山實北輝光之象寅方屬虎還徵文炳之祥旣毓秀以鍾靈是云大有慶也且藏風而聚氣豈曰小補之哉然而旃林更闢寶緣檀越同心凡屬尙義解囊不啻施金布地雖捐大海之數滴亦是恩波即分上苑之一枝莫非春色應傳盛事齊注芳名用擬貝葉之文誌此曇花之瑞是爲記乾隆十九年碑
嘉慶十五年重修道光五年重修同治十年重修

遊天甯寺石刻詩

會稽 陶 孚

山山環合石橋橫看盡浮雲萬事輕風鐸簷前驚

午夢僧歸巖下聽鐘聲綠知孤樹無常住時有幽
禽自贊名身世正如萍在水與君珍重未來生

其二

風清懷抱若爲寬杖錫何如學採竿石鏡山前傾
翠浪梵王宮裏聽鳴鑿天花飄落隨流水雲母春
來可授餐放眼已知塵世窄儂將赤脚踏蒲團

和陶公孚原韻

浮山張子鎮

山光撥翠水光橫竹杖芒屨步步輕佛國慈雲凝
有色禪關法雨寂無聲飽嘗隱趣耽花鳥消盡機

心薄利名早識文人真慧業青袍那得誤儒生

其二

天甯寺裏佛塲寬放眼樓高百尺竿攜得玉人遊
玉宇何妨金界比金鑾豈無風月供佳詠儘有煙
霞任飽餐俗念一時消欲盡老僧相對坐蒲團

聖境寺

重修藏經殿觀音堂人祖廟記

薛文錦

粵自佛教流傳東土有摩騰竺法蘭以白馬馳金
像居於洛陽嗣後天下寺舍之修皆繪金像藏經

與務使大衆欽仰知所頂禮化導善類覺悟羣迷也隰之南關

聖境寺結構宏敞規模雄偉前有東嶽行宮後有諸佛寶殿其珠幡華蓋碧馬金輪繪塑之盛稱巨觀焉前人之述備矣其釋典頌於有明萬厯年間共計六百七十八函特賜護持由來已久繇是寺僧之能莊嚴持誦通曉其義者代不乏人構殿藏經固其所也第寺中祠宇旣廣修理者每限於費用不貲一時不能盡舉近自嘉慶初年僧智溪大興

工作後至道光十二年東西十王殿暨三聖廟又將傾圮僧智潔經理重修而寺中之待修補者尚不一所迄今又閱十餘年敝壞益甚甲辰歲僧方璽主院事廼募緣興工亦僅補葺觀音堂人祖廟而藏經殿椽折瓦解不蔽風雨猶未遑及也閔明年僧智珍智琮接住此院慮經典損失因謀諸紳士人等復募化於鄉外溫陽等處鳩工庀材繕棟葺垣藏殿始克完固又葺東西角樓並鐘鼓樓之傾頽悉修舉之聖像之金碧剝落者悉繪畫之約

計費五百餘金拮据三年於茲矣工既竣有郡人
騎都尉張源深施碑一座將刊助緣者姓名以垂
永久求記於余余惟茲寺之建歷有年所修補以
漸爲力較易願後之主此寺者毋怠厥志隨時整
修將見法象常昭法輪常轉庶於護國佑民之道
亦不爲無助矣爰敘其事而爲之記

道光二十七年碑

興宗大和尚駐錫白雲寺方丈序
竊以持鉢著衣普解傳燈有錄拈華選偈疇知明
鏡非臺佛成立地釋號彌天緬慧可遺踪雪忘過

膝聽生翁妙諦石會點頭蓋轉法華繙貝葉凡象
比印胥同而維絕紐振頰網非善知識難任也恭
惟大禪師系本清河籍原紫水削髮被緇初從
明泰高衲爲僧息心持素繼向湛然大師受記精
沙彌律儀熟菩薩戒本色是空空是色面壁功深
於九年人中景景中人談禪名高夫三晉後更雲
遊京師旋復轍返故里皮鞮一隻錫杖九環引慈
雲於西極殆慧海守清之匹儔也注法雨於東陸
其寒山拾得之流亞乎茲先省垣大衆之請宏開

洛社祇園之會爰又大荒落恢臺磨知白雲寺方丈塵尾持行鷲峯就止長松細草承蚨座而響梵聲寶筏金繩渡迷津以開覺路占天下名山說世間好語金剛三十二分舌木翻瀾珍珠一百八顆乳光照室教衍三車洵堪繼馬鳴幽讚尊稱兩足殊不慚龍樹虛未生等六根未淨四大空生喜昇天於白日無布地之黃金闍散花不著師身禪心已作霑泥絮擬長松解隨佛指大家齊上渡頭船敬述俚言用抒妙相仙露明珠頭上何堪著糞黃檀那齊願皈依謹序

觀音寺 在北門外

重建觀音寺記

薛雲錦

嘗思天下事有其興必有時而廢有其廢亦有時而興其一廢一興亦似有數存乎其間者至於神祠之奉有其興之莫敢廢也有其廢之莫敢興也在禮固有宜然而惟觀音寺則異是寺居隰郡之乾方東瀕大河南帶流澗在鳳凰山左翼之下

寺潔而幽朔自皇祐初至明萬曆十七年僧淨香
眞淋次第重修有李氏五鹿先生曾讀書於此官
侍郎順治十六年假歸爲更新之蓋勝境也迄今
閱二百餘載殿宇墻垣毀復屢年蕩然無一木一
石之存有寺之名無寺之舍寺僧師徒無託身所
皆寄居別處以法相傳此誠廢之不可不興者也
願興廢之事關乎數亦存乎人至同治甲子僧人
廣秀寺僧淨香之後裔有志繼起爰出其漸次積
錢三百餘緡鳩工庀材相舊址而爲興復之計以

工程浩大又會同紳士人等募化於城鄉復得錢
八百餘千始建正窰三孔中塑 觀音聖像東西
廊各建磚窰三孔前修大門墻垣雖舊寺之韋駝
殿白衣堂未遑興復而 菩薩聖像已巍然正位
於其中寺僧師徒以法相傳者亦自有託身之所
焉此豈非廢之不可不興者哉工起於甲子春告
竣於丙寅秋閱三年而功斯成秀欲刻石誌施財
者姓名以垂不朽問序於余余以斯寺之修興闢
茲未不容辭爰歷敘興廢之由甚嘉廣秀之能興

復舊業及六眾之能助厥成功也至廟宇之有未備者尤望後之人以次增修庶可完新剏者之志而此事與天壤俱存矣是爲序同治八年碑

甘露寺 在州北十五里七里脚村乾隆年新建

石佛寺 在州北二十五里張村寺內佛像俱石

千佛庵 在北門外鳳凰山巔

重修千佛庵記

宋 勛

宇內名勝之區多得山水之奇然非得人以闢之其奇弗彰非得人以繼之其奇弗久嘗謂 千佛

庵之在隰尤稱負郭之第一勝刹也庵在郡西北

鳳凰山之巔地最聳翠幽雅河口石篆庵名曰千

佛而由洞而上重門題額曰道入西天郡人因有

小西天之號茲庵也 千佛殿正位山岡而側翼

兩廊無梁殿綴軒下院而面峙傑閣暮鼓晨鐘敲

擊高閣左右僧寮客座灑掃下殿東西自殿右而

度幽崖土屋門俯深谷由閣下而出洞天斗室窗

含半邸因地布景種種清秀四方君子之遊於隰

者靡不登眺題賞以爲大觀乾隆壬申冬庵僧智

德謁余曰荒庵自東明祖師創建以來世有修葺
具載貞珉越七葉而我師覺天和尚於雍正三年
由汾回庵募修中閣建鐘鼓樓隨於下院翔豎東
廊補葺西廊砌院及路工未畢而又以永甯敦請
去主柳溪寺方丈於是大師靜安禪師率貧衲翻
蓋上院兩廊以及馬王十祠其後師兄了幻上人
持鉢莊繪累年以來相繼圓寂而客歲迄今整包
山門內外俾閣下土壁頓改舊觀者貧衲與徒實
竭歷從事以成先志年經卅載工凡數與經費千

百餘金檀那先後多人宜勒芳名乞君記之余曰
歷年修舉師說已盡余復何庸置琢惟中閣內祀
觀音大士外祀奎光文星或稱奎光閣或稱慈光
閣崎輕崎重舉此遺彼莫若以祥光易之抑更有
說焉茲山之高不過數百步耳茲山之大小止設數
十榻耳然而左仰古寨千仞絕壁右帶西坡峯巒
層疊山前八徑紆徐往復山下出泉清湛甘冽兩
腋幽壑數種古樹洵有道者所樂棲亦達士之所
共適也當夫三陽開泰一稔耕雲之日綠柳纒黃

蒼松加翠間步溪橋木向榮而泉始流隨喜殿庭
披和風而仰煦日汨乎霜露既降木葉盡脫同雲
布而山城雪厚朝看王屋參差天氣肅而古殿風
高暮聽松濤澎湃至若盛夏溽暑來古洞高崗爽
爽徂秋涼風至白雲紅葉悠悠所謂四時之景不
同而樂亦無窮者其在斯乎向非東明和尚識是
山之奇而闢之大師師弟踵東明之後而繼之安
所得聳翠幽雅之祇林永作一方之大觀也哉智
德飄然日記成矣東明懿行與其徒若孫補葺多

功前輩之紀教甚悉覺天赤幟沙門而若有得於
其道汾陽呂孝廉塔誌亦以言之靜安智德輩好
靜遠俗亦都人士所共知不必贅也特狀茲庵風
景梗概以實余負部第一勝刹之說如此覺天法
諱際宏靜安法諱普甯了幻法諱周淵靜安徒也
智德法諱周體覺天徒也智德之徒法諱沙惺合
并表出是爲記乾隆十八年碑

道光十年重修
二十二年重修

三教寺

在州東北十五里北莊村大元年間創建院
內有平頂松一株枝幹平鋪極蜿蜒之勢

西教寺

在州東北一百一十里寺對山內牡丹梅花
頗有可觀

種玉庵 在城內文昌祠西雍正十一年重修乾隆五十六年重修同治十年重修

龍泉庵 在州東北一百五十里喬家莊上有龍山下有瀆水

昆廬庵 在州東北一百三十里玉堆山實行女善人創建

祈真觀 在城內乾隆十六年重修

慶雲觀 在州東北一百三十里土索村

戶口

自前明洪武年起至

國朝康熙四十五年編審止除優免外

實在行差人丁八千二百二十七丁

康熙五十二年欽奉

恩詔以康熙五十年編審丁

爲常額續生人丁永

不加賦除優免外

實在行差人丁八千三十丁

康熙五十五年六十年編審遵奉

續修隰州志

卷之二

戶口

四七

恩詔清出永不加賦續生人一百三丁

雍正四年九年編審遵奉

恩詔清出永不加賦續生人二百八丁

乾隆元年六年十一年編審遵奉

恩詔清出永不加賦續生人丁八十五丁

乾隆二十七年奉

旨編審停止照乾隆二十一年編審之數將下則重額

丁徭歸於查出有力之戶四十六丁均勻攤征其

人八千四百三十八丁內除優免外

實在行差八千一百六十六丁

於乾隆三十一年並道光四年儘數歸入

地糧
徵收

嘉慶元年戶一萬五千一百三十六內

大口三萬四千八百九十五

小口二萬一千九百二十八

道光元年戶二萬零一百六十三內

大口四萬五千零五十三

小口二萬五千五百一十一

咸豐元年戶二萬四千零八十二

續修隰州志

卷之二

戶口

四八

大口五萬八千九百八十一

小口三萬零一百二十四

同治元年戶二萬六千二百九十七內

大口六萬二千零一十五

小口三萬三千二百三十一

光緒元年戶二萬八千六百三十六內

大口六萬七千零九十五

小口三萬六千五百八十

光緒二年大祿戶一萬零六十五內

大口二萬一千一百三十三

小口一萬二千五百三十八

光緒四年戶七千一百四十九內

大口一萬五千一百六十九

小口八千一百八十四

光緒八年戶一萬零八百七十二內

大口一萬六千一百八十九

小口九千八百五十

光緒九年戶一萬一千六百二十二

續修隰州志

卷之二

戶口

四九

大口一萬六千三百五十六

小口一萬零三百七十二

光緒十年戶一萬二千五百八十一內

大口一萬六千五百一十二

小口一萬零七百五十三

按隰僻在深山既無顯宦亦少富商惟恃力農
餬口而地無水利全憑雨澤自同治七年以來
迭遭亢旱比歲歉收民間已十室九空至光緒
三四兩年復遭大祲而民力愈不可支矣屍骸

